

# Budayakan pemanduan berhemah

**Nilai positif ke arah kurangkan kadar kemalangan maut**

SHAH ALAM

Pemberian diskau n tanpa tunutan (NCD) bagi bayaran premium insurans kenderaan kepada pemandu berhemah yang bakal dilaksanakan keraja-

**30.8 JUTA DAPAT GANJARAN INSURANS**

an bermula tahun depan dilihat sebagai peluang terbaik untuk pemandu menjadikan pematuhan terhadap undang-undang jalan raya sebagai satu budaya.

Pakar Kejuruteraan Lebuhraya dan Pengangkutan, Fakulti Kejuruteraan

Universiti Putra Malaysia (UPM), Profesor Dr Wong Shaw Voon

berkata, beliau melihat perkembangan itu sebagai satu nilai positif ke arah pengurangan kadar kemalangan



WONG SHAW VOON

maut dan cedera parah.

Menurutnya, ia juga akan menjadi satu bentuk



Inisiatif yang disediakan akan mendorong orang ramai memandu kendaraan secara berhati-hati agar tidak melakukan kesalahan jalan raya.

pulangan semula dengan pengiktirafan kepada pengguna jalan raya yang secara konsisten mematuhi peraturan ditetapkan.

“Salah satu sebab kita kena patuh undang-undang adalah perlunya pemanduan yang berhemah kerana kelajuan itu sendiri meningkatkan risiko kematian atas jalan raya.

“Bayangkan semua kenderaan bawa kelajuan yang sama, tak ada orang memandu sesuka hati. Su-

dah tentu tidak akan berlaku kemalangan sebab semua orang mengikut peraturan,” katanya kepada *Sinar Harian* semalam.

Beliau yang juga Ahli Lembaga Pengarah Institut Penyelidikan Keselamatan Jalan Raya Malaysia (Miros) berkata, punca berlakunya perlanggaran antara kenderaan adalah apabila wujudnya konflik disebabkan pemanduan yang gagal mengikut tahap kelajuan ditetapkan.

“Kelajuan yang sama tidak akan ada konflik. Dengan kelajuan yang lambat atau laju, kita telah mencipta konflik yang mengganggu pergerakan kenderaan. Bila konflik berlaku, risiko untuk pelanggaran berlaku meningkat.

“Sekiranya berlaku kemalangan pada kelajuan yang telah ditetapkan, risiko untuk cedera parah atau kemalangan maut juga akan berkurangan,” katanya.



**Kebaikan ganjaran NCD kepada pemandu berhemah**

- Menggalakkan pemandu berhati-hati dan mengikut peraturan
- Mengurangkan risiko kemalangan maut dan cedera parah
- Menjimatkan kos insurans kenderaan
- Membantu pemain insurans daripada mengalami kerugian